

DEN AMBIENTE



AUTOR DI E TUMBA CANDEALA MEILLER LOUDENS

Temporada di carnaval ta e temporada di mas great y alegre di henter aña pa Meiller. Locual cu a hala su atencion ta e forma cu e publico ta participa físicamente, tanto den parada y canto di caminda. Por ehempel nan kier expresa nan alegría door di jump y canta conhunto cu e musica mas bien e road-march.

Mirando e reaccion di e publico, e la bin haña e inspiracion pa compone e tumbanan di tal forma cu e publico por jump canta y grita tambe riba su tumba. Ta pesey tur su tumbanan cu e la compone ta tumba-jam. Su prome tumba tabata na aña 1989, "NOS CARNAVAL" canta pa Tattoo y aregla pa Hildward Croes. E tumba aki a logra di sali na di cinco lugar.

Na aña 1990 e la agrega den e tumba "KADI KADA" un toque especial caminda nos grandinan di antes por recorda algo di nan juventud, y e juventud facilmente por compaña e cantica. E tumba aki a logra di sali na di tres lugar cu areglo di Federico Martis. Lamentablemente e microfoon a cay for di mannan di Tattoo, y la perde como cuarenta punto.

Pero durante ABC festival na Curacao, Tattoo a causa furor cu e tumba aki, y a ricibi hopi elogio di parti di e comentaristanan di Curacao tanto di radio y television. Na aña 1991 Meiller a tuma nota cu e adorno principal di carnaval rond Caribe y na Brasil ta pluma, y e prome personanan cu tabata uze tabata e indiannan cual nos ta dependiente.

Es decir ta nos cultura y alavez tin tur su ingrediente nan pa ser un tumba-jam. Cu tur su pasenshi e la compone e tumba "Indian", cual a ser aregla pa Franklin Granadillo bao supervision di Tissy Vrolyk y Chuch Hoek. E tumba aki a pone henter RCA stadion ariba

abao na momento cu Tattoo a interprete, y hopi tabata bisa cu esaki ta e tumba di carnaval.

Pero huradonan a dicidi otro y e tumba aki a resulta na di dos lugar, cual mayoria di hende y te awe ta comenta cu e tumba "Indian" mester tabata e tumba ganador. Tattoo mester a bay representa Aruba den ABC tumba contest contra di Jersey Isenia di Doble R, cu tambe a resulta na di dos lugar na Curacao cu e tumba "MI curazon TA BATI".

Tattoo a subi tur na pluma y a tira su hacha y tambe a los su flecha di alegría y a pone tur hende den stadion nan curazon cumenza bati manera Indian brabo, y asta e Bonerianonan y Curasoleñonan a cumenza ta huma pipa y tambe a baila manera un indian, mientras su rival su curazon a stop di bati completo, pasobra un di e flechonan a resulta den su curazon.

Grandi tabata e sorpresa na momento cu e huradonan (dokter) si a dicidi cu Jersey su curazon no a stop di bati ainda, y a dune e trofeo como ganador. Naturalmente tur e indiannan den stadion a protesta cu tur nan rason, y esaki tabata un di e factor mas principal cu a causa cu hamas y nunca no lo bay tin ABC tumba contest. E tumba aki tabata e tumba mas toca den historia di carnaval, y lo bay sigui resona como un tumba inmortal durante temporada nan di carnaval.

Despues cu Meiller a mira cu su tumba no kier a wordo reconoci cerca e huradonan, pa motibo cu a ser comenta cu e tumba Indian no tabata tin suficiente palabranan carnavalesco. Pero e apoyo masal cu e la haña cerca pueblo di Aruba e la dicidi di bolbe presenta cu un tumba-jam e aña aki.

Pero teniendo cuenta cu e huradonan e la compone e tumba "CANDELA" cu tin masha hopi nificacion den tur



Meiller Lourens, rey di tumba Tattoo, Tissy Vrolyk.

sentido, por ehempel e palabra candela ta expresa un cos fenomenal, turbolencia y tambe peligro pa tur e paisnan den vecindario pa tene cuenta cu nos carnaval. E tin su kicknan habitual y tur e ingredientenan pa tur hende por jump. E tumba aki merecidamente a resulta e tumba ganador y alavez haci Tattoo pa prome biaha rey di Tumba y tambe e prome cantante den historia cu a conquista tres corona (roadmarch 1991, calypso king y rey di tumba 1992).

Meiller tin tur palabra di elogio pa Tissy Vrolyk pa e forma magistral cu e la aregla e tumba ganador aki. Remarcable ta cu tur e cuatro tumbanan aki tabata tin diferente areglistanan, y solamente Tissy a participa den dos di su tumbanan. Tambe e tumba canta fantasticamente pa Ramfis Tromp "LANTA PARA Y ANIME", tambe tabata un señor tumba compone pa Meiller. Loke ta di aplaudi y sigur ta algo di aprecia ta cu durante tur su tumbanan ta bay conhuntamente cu shownan bon

prepara y cu trahenan carnavalesco sumamente bunita y costoso, cual e mes ta percura pa sponser di atz.

Tambe durante su shownan semper e ta uza muchanan, pa cual tur su tumbanan tambe ta ser compone pa grandi y chiquito por goza. Meiller kier a gradici cada un di e intergranenan di Musical Time cu a demostra cu nan ta señor musico.

Tambe na Tattoo cu ta su cantante ideal pa su tumba-

nan, y cu a sabi di tuma tur su pasenshi y awe ta goza di

a gana e gloria di ta e prome cantante den historia pa conquista tres corona. DEN AMBIENTE ta felicita rey di compositor Meiller Lourens,

rey di tumba Tattoo y tambe rey di areglo Tissy Vrolyk. Awor nos ta bay sigui canta "CANDELA" 38 bin aden!, ta na unda ??? DEN SAC su CAS !!!

E bebida
yen di energia
pa grandi
y chiquito



Agente:
LICORES ARUBA N.V.

